



Broj: 01/1-50-1-1-55/08

Sarajevo, 12.11.2008. godine

Z A P I S N I K

55. sjednice Ustavnopravne komisije

Sjednica je održana 12. 11. 2008. , s početkom u 10 sati.

Sjednici su prisustvovali članovi Komisije: Šefik Džaferović, Velimir Jukić, Ekrem Ajanović, Lazar Prodanović, Drago Kalabić, Adem Huskić, Momčilo Novaković i Halid Genjac.

Osim članova Komisije, sjednici su prisustvovali i predstavnici Ministarstva sigurnosti BiH Mladen Kanlić, Ureda za veterinarstvo BiH Inga Dujmović i Spasoje Čamur, OSCE-a Lana Ačkar, OHR-a Jelena Despot, Prijatelji životinja u BiH Maida Šabeta i Medina Delalić iz Sektora za odnose s javnošću Parlamentarne skupštine BiH.

Sjednici su prisustvovali sekretar Komisije Igor Bajić i stručni saradnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje Zapisnika 54. sjednice Komisije, održane 30.10.2008.;
2. Prijedlog zakona o zaštiti i dobrobiti životinja, predlagač: Vijeće ministara BiH, (usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma);
3. Ostala pitanja:
Informacija o stanju u oblasti imovinskih delikata u Bosni i Hercegovini, s naglaskom na krivično djelo otuđenja vozila u 2006. i 2007. godini i u prvih šest mjeseci 2008. godine, podnosilac informacije: Ministarstvo sigurnosti BiH (**razmatranje informacije u skladu s članom 41. stav (2), u vezi s članom 20.tačka e) Poslovnika Doma**);
 - Zahtjev Ustavnog suda za izjašnjenjem o Zahtjevu za ocjenu ustavnosti člana 13. Zakona o Sudu BiH, podnosilac zahtjeva: poslanik Milorad Živković (**razmatranje zahtjeva u skladu s članom 41. stav (1) tačka g) Poslovnika Doma**);
 - Zahtjev Visokog sudskog i tužilačkog vijeća BiH za autentičnim tumačenjem odredbe člana 15. Zakona o Visokom sudskom i tužilačkom vijeću BiH (**razmatranje zahtjeva u skladu s članom 137. stav (4) Poslovnika Doma**).

Ad. 1. Usvajanje Zapisnika 54. sjednice Komisije, održane 30.10.2008.;

S obzirom da nije bilo rasprave, Komisija je jednoglasno usvojila Zapisnik 54. sjednice, održane 30.10.2008.

Ad. 2. Prijedlog zakona o zaštiti i dobrobiti životinja, predlagač:

Vijeće ministara BiH (usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma)

Nakon rasprave, Komisija je, sa šest glasova „za“, bez glasova „protiv“ i dva „suzdržana“ glasa, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Komisija je, s pet glasova „za“, bez glasova „protiv“ i tri „suzdržana“ glasa, prihvatila principe Prijedloga zakona.

Ad. 3. Ostala pitanja:

- **Informacija o stanju u oblasti imovinskih delikata u Bosni i Hercegovini, s naglaskom na krivično djelo otuđenja vozila u 2006. i 2007. godini i u prvih šest mjeseci 2008. godine, podnosilac informacije: Ministarstvo sigurnosti BiH (razmatranje informacije u skladu s članom 41. stav (2), u vezi s članom 20.tačka e) Poslovnika Doma)**

Nakon rasprave Komisija je jednoglasno odlučila sljedeće:

- Ustavnopravna komisija prihvata Informaciju o stanju u oblasti imovinskih delikata u BiH s naglaskom na krivično djelo otuđenja vozila u 2006. i 2007. godini te u prvih šest mjeseci 2008. godine s prijedlogom mjera i radnji.

- Komisija predlaže Predstavničkom domu da primi k znanju navedenu informaciju.

- **Zahtjev Ustavnog suda za izjašnjenjem o Zahtjevu za ocjenu ustavnosti člana 13. Zakona o Sudu BiH, podnosilac zahtjeva: poslanik Milorad Živković (razmatranje zahtjeva u skladu s članom 41. stav (1) tačka g) Poslovnika Doma)**

Komisija je nakon rasprave, s pet glasova „za“, dva glasa „protiv“ i jednim „suzdržanim“ glasom, utvrdila:

- Zakon o Sudu BiH donio je, 12. 11. 2000., visoki predstavnik. Parlamentarna skupština BiH usvojila je Zakon o Sudu BiH na sjednici Doma naroda, održanoj 25. 6. 2002., i na sjednici Predstavničkog doma, održanoj 3. 7. 2002.

- Ustavnopravna komisija ostaje na pozicijama usvojenog Zakona.

- **Zahtjev Visokog sudskog i tužilačkog vijeća BiH za autentičnim tumačenjem odredbe člana 15. Zakona o Visokom sudskom i tužilačkom vijeću BiH (razmatranje zahtjeva u skladu s članom 137. stav (4) Poslovnika Doma)**

Predsjedavajući je otvorio raspravu u kojoj su učestvovali: Halid Genjac, Momčilo Novaković i Šefik Džaferović.

Nakon rasprave, Komisija je jednoglasno odlučila sljedeće:

- Imajući u vidu stav Vijeća ministara BiH, Ustavnopravna komisija zaključuje da je norma jasna, te da nije potrebno provoditi daljnju proceduru autentičnog tumačenja.

S obzirom da nije bilo više pitanja, sjednica je završena u 10,35 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović